

Lêerno.: 20/3/6/1/ Timetable notifications to schools
Verwysing: 20240517-3919

Omsendbrief: 0020/2024
Vervaldatum: 29 November 2024

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulumondersteuning, Vakadviseurs, Kringbestuurders, Hoofde: Bestuur en Beheer, Adjunk-hoofonderwyskundiges en Hoofde van inrigtings wat kandidate vir die Nasionale Senior Sertifikaat-eksamen voorberei

Kort opsomming: *Finale rooster vir November 2024 se Nasionale Senior Sertifikaat-eksamen.*

Onderwerp: Finale rooster vir November 2024 se Nasionale Senior Sertifikaat-eksamen

1. November 2024 se Nasionale Senior Sertifikaat- (NSS-) eksamen sal op **Maandag, 21 Oktober 2024** begin en op **Donderdag, 28 November 2024** eindig.
2. 'n Afskrif van die **finale** rooster (**Bylae A**) vir November 2024 se NSS-eksamen is aangeheg.
3. Die rooster vir November 2024 se NSS-eksamen sal dieselfde formaat as in 2023 volg, maar u aandag word op die volgende twee veranderinge gevestig:
 - 3.1 Die praktiese eksamens vir Rekenaartoepassingstegnologie (RTT) (Vraestel 1) en Inligtingstegnologie (IT) (Vraestel 1) sal gedurende die eerste week van die eksamen geskryf word en nie 'n week voor die amptelike aanvang van die eksamen nie. Die praktiese eksamens vir RTT (Vraestel 1) en vir IT (Vraestel 1) sal onderskeidelik op **Dinsdag, 22 Oktober 2024** en **Woensdag, 23 Oktober 2024** afgeneem word.
 - 3.2 November 2024 se NSS-eksamen sal amptelik op **Maandag, 21 Oktober 2024** begin met die skryf van Engels Huistaal (HT) Vraestel 3, Engels Eerste Addisionele Taal Vraestel 3 en Engels Tweede Addisionele Taal Vraestel 3. Vraestel 3 (**Kreatiewe Skryfwerk**) vir al die amptelike tale (Engels, Afrikaans, isiZulu, isiXhosa, isiNdebele, Sesotho, Setswana, Sepedi, Siswati, Tshivenda, Xitsonga en Suid-Afrikaanse Gebaretaal Huistaal) sal daarom gedurende die eerste week van die eksamen geskryf word. **Kandidate moet herinner word dat Vraestel 3 voor Vraestel 1 en 2 geskryf sal word.**

4. Die eksamen sal op **Donderdag, 28 November 2024** eindig, maar kandidate moet tot op die laaste dag van die skoolkwartaal (13 Desember 2024) beskikbaar wees ingeval dit om enige rede nodig sou wees om 'n spesifieke vak/vraestel te herskeduleer. Prinsipale moet 'n databasis met die kontakbesonderhede van al hul kandidate en hul naasbestaendes byhou as deel van die gebeurlikheidsplanne om kandidate maklik te kan bereik, indien nodig.
5. Gewone klasse moet tot **Vrydag, 11 Oktober 2024** voortgaan om soveel onderrigtyd moontlik te verseker.
6. Prinsipale/sentrumbestuurders word versoek om gedurende die week van 07 tot 11 Oktober 2024 'n verbintenisseremonie by hul skole te reël om dit vir kandidate moontlik te maak om hulle te verbind tot gedrag wat met die reëls van die eksamen ooreenstem. Die verbintenissooreenkoms moet deur alle kandidate onderteken word om bewustheid te skep vir die reëls van die eksamen en die gevolge indien kandidate hierdie reëls sou oortree.
7. Twee eksamensessies word vir elke eksamendag beplan. Die oggendsessie sal om 09:00 begin en die middagsessie om 14:00.
8. Prinsipale moet alle voltydse kandidate wat die eksamen gaan skryf, inlig dat hulle skooldrag moet dra tydens elke eksamen wat hulle aflê.
9. Kandidate wat om enige rede tydens November 2024 se NSS-eksamen nie 'n vakvraestel skryf nie, sal al die vakvraestelle vir daardie spesifieke vak in die daaropvolgende Mei/Junie-eksamen van die volgende jaar moet skryf.
10. Die nasionale minister sal die uitslae van November 2024 se NSS-eksamen op **Woensdag, 15 Januarie 2025** bekendmaak, en die provinsiale onderwysdepartemente sal kandidate se uitslae op **Donderdag, 16 Januarie 2025** bekendmaak.
11. Die algemene assesseringstaak vir Lewensoriëntering sal op **Maandag, 02 September 2024** geskryf word.
12. Die praktiese eksamen vir Uitvoerende Kunste is vir **Maandag, 12 Augustus 2024** tot **Maandag, 14 Oktober 2024** geskeduleer. Die praktiese eksamen vir Visuele Kunste en Ontwerp is vir **Dinsdag, 01 Oktober 2024** tot **Maandag, 14 Oktober 2024** geskeduleer.
13. Let asseblief daarop dat die datum wat vir die proefeksamen vir graad 12 aanbeveel word, **Maandag, 26 Augustus 2024** is, soos gepubliseer in die skoolkalender van die Wes-Kaapse Onderwysdepartement (WKOD).

14. Daar word voorsien dat die nasien van November 2024 se NSS-eksamen op **Vrydag, 29 November 2024** sal begin. Die WKOD wag vir finale bevestiging van die Departement van Basiese Onderwys.
15. Bring asseblief die inhoud van hierdie omsendbrief onder die aandag van alle kandidate wat van plan is om die NSS-eksamen in November 2024 af te lê.

GETEKEN: B WALTERS

HOOF: ONDERWYS

DATUM: 2024-07-08